

Headlines

- 1 राष्ट्रपति द्रौपदी मुर्मू होंरें राजस्थान सम्मेलन च आलमी सतह दे मामलें गी हल करने च आध्यात्मिकता दी भूमिका पर लो पाई।
- 2 प्रधानमंत्री नरेंद्र मोदी होंर कल प्रधानमंत्री किसान सम्मान निधि योजमना दे तैहत 18मीं किशत जारी करडन।
- 3 रक्षा मंत्री राजनाथ सिंह होंरें आखेआ ऐ जे बरे 2023-24 च घरेलू रक्षा उत्पादन 1 लख 24 ज्हार करोड़ रुपें दे रिकार्ड आंकड़े गी पार करी गेआ ऐ।
- 4 भारत-अंतरराष्ट्री विज्ञान उत्सव 2024 दा आयोजन इस बरे असम दे गुवाहाटी च 30 नवंबर थमां 3 दिसंबर तगर कीता जाग।

<><><><><><>

Prez. Summit

राष्ट्रपति द्रौपदी मुर्मू होंरें आखेआ ऐ जे आध्यात्मिकता दे राएं ना छड़े निजी जिंदगी दे बल्कि समाज ते धरती मां दे सरबंधी मसलें बी हल्ल होई सकदे ना। राष्ट्रपति होंर अज्ज राजस्थान च साफ ते स्वस्थ समाज आस्तै आध्यात्मिकता दे ग्लोबल सम्मेलन दे उद्घाटनी सत्र गी संबोधित करा'रदे हे। एह सम्मेलन ब्रह्म कुमारी संस्थान नै अब्बु रोड उप्पर आयोजित कीते दा हा। राष्ट्रपति मुर्मू होंरें गलाया जे जिस समें दुनिया दे कई हिस्सें च अशांति हुंदी ऐ या मनुक्खी मुल्लें दा घाट्टा हुंदा ऐ, उसलै शांति ते एकता दा महत्व होंर मता बधदा ऐ। उनें आखेआ जे अज्ज पूरी दुनिया ग्लोबल वार्मिंग ते वातावरण प्रदूषण दे प्रकोप कन्नै प्रभावित ऐ ते इस मुश्कल दौर च स्हाढा फर्ज बनदा ऐ जे अस्स इनें चुनौतियें दा सामना करने आस्तै हर मुमकिन जत्न करचै। उनें साफ-सफाई बारै गल्ल करदे होई आखेआ जे सफाई गी हर समाज च महतवता दिक्ती गेई ऐ ते स्हाढे बुजुर्ग साफ-सुथरे खाने गी बडा गै महत्व दिंदे हे। सरकार दे जैविक खेती गी बढावा देने दा जिक्र करदे होई उनें आखेआ जे एहदे कन्नै साफ-सुथरा ते जैविक जीन मिलोग। इस कार्यक्रम गी राजस्थान दे राज्यपाल हरिभाऊ बागडे होंरें बी संबोधित कीता।

<><><><><><>

PM Kissan

प्रधानमंत्री नरेंद्र मोदी होंर महाराष्ट्र दे वाशिम च कल प्रधानमंत्री किसान सम्मान निधि योजना दी 18मीं किशत जारी करंगन। इस गैह कन्नै मुलख दे 9 करोड़ 40 लख शा मते करसानें दे बैंक खातें च सिद्दे 20 ज्हार करोड़ रुपें शा मते मुंतकिल होई जांगन। राई-बाई मंत्री शिवराज सिंह चौहान, मच्छी पालन, पशु पालन ते डेयरिएं सरबंधी मैहकमें दे केंद्री मंत्री राजीव रंजन सिंह बी इस समारोह च शामिल होंगन। तकरीबन ढाई करोड़ करसान वेब कास्ट दे राहें इस कार्यक्रम दा हिस्सा बनंगन। 24 फरवरी 2019 गी रम्भी गेदी पी.एम किसान योजना तैहत योग्य करसानें गी हर बरे त्रै बरोबर किशतें च कुल 6 ज्हार रुपे दिक्ते जंदे ना। कल जारी कीती जाने आहली किशत गी रलाइयै अजें तगर इस स्कीम तैहत जारी रकम 3 लख 45 ज्हार करोड़ गी पार करी जाग ते एहदा लाह तकरीबन 11 करोड़ करसानें गी थ्होआ ऐ।

<><><><><><>

## Cabinet-PM RKVY

केंद्री मंत्रिमंडल नै राई-बाई दे खेत्तरै च आत्मनिर्भरता लेई खाद्य सुरक्षा हासल करने ते राईबाई दे टिकाऊ तौर-तरीकें ते कृषोन्नती योजना गी बढ़ावा देने लेई प्रधानमंत्री राश्टो कृषि विकास योजना गी मंजूरी दिती ऐ। प्रधानमंत्री राश्ट्री कृषि विकास योजना ते कृषोन्नती योजना दी अमल-आवरी पर 1 लकख करोड़ रुपें शा मते दा खर्च होग। इस बारै नमीं दिल्ली च मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें गलाया जे काबीना दी बैइक दौरान करसानें दी औंदन बधाने ते खाद्य सुरक्षा यकीनी बनाने मतल्लक फैसले लैत्ते गेन ते एह योजना इससै गैहू दे दऊं महत्वपूर्ण थम्म न। उनें विश्वास जताया जे इनें हीलें कन्नै करसानें दी औंदन पक्क गै बधोग। प्रधानमंत्री राश्ट्री कृषि विकास योजना तैहत मिट्टी दी सेहत दे प्रबंधन, बरखें आले इलाकें दा विकास, एगो-फारेस्टरी, परम्परागत कृषि विकास योजना ते per drop more crop योजना शामिल न।

<><><><><><>

## IRENA-REJ

नमीं ते अक्षय उर्जा दे मंत्रालय नै आखेआ ऐ जे भारत दे अक्षय उर्जा खेत्तर च नौकरिएं दी कुल गिनतरी पिछले बरे 10 लकख दे आंकड़े गी पार करी गई। मंत्रालय नै अंतरराश्ट्री अक्षय उर्जा एजेंसी दी बरे 2024 दी सलाना समीक्षा च जारी आंकड़ें दा हवाला दिंदे होई एह जानकारी दिती ऐ। मंत्रालय मुजब भारत दे टकोहदे जोगदान दे कन्नै गै इस खेत्तर च वैश्विक कार्यबल तकरीबन 1 करोड़ 62 लकख तगर पुज्जी गेआ ऐ। रिपोर्ट च आखेआ गेआ ऐ जे तकरीबन 4 लकख 53 जहार नौकरिएं दे कन्नै पनबिजली दा खेत्तर सब्बनें शा मती नौकरियां देने आला रेया ऐ जेडा वैश्विक हिस्सेदारी दा कुल 20 फीसद ऐ। एहदे परेंत 3 लकख शा मते रोजगार देने आहले सोलर फोटोवोल्टिक खेत्तर दी थाहर ऐ। पवन उर्जा, तरल जैव ईंधन, ठोस बायोमास ते सौर ताप ते होरनें खेत्तरें बी मता जोगदान दिता ऐ। मंत्रालय नै इस कामयाबी दा श्रेय पी.एम कुसुम सने प्रमुख कार्यक्रमें गी दिता ऐ।

<><><><><><>

## Sitharaman

वित्त मंत्री निर्मला सीतारमण होरें जोर देइयै आखेआ ऐ जे केंद्र सरकार माली अनुशासन लेई बचनबद्ध ऐ। अज्ज बडुलै नमीं दिल्ली च आयोजित कौटिल्य आर्थिक कन्क्लेव 2024 दरान बोलदे होई सीतारमण होरें आखेआ जे माली खसारा जेहडा 2024 5.6 फीसद हा ओह माली बरे 2025 च घटियै 4.9 फीसद होई जाग। सीतारमण होरें आखेआ जे राजकोषीय अनुशासन लेई बचनबद्धता छडी बांड दे ब्याज पर काबू पाने च गै मदाद नेई करोग सगुआं अर्थबवस्था पर दोआर लागत गी बी घट्ट करोग। वित्त मंत्री होरें आखेआ जे गरीब, महिलां, युवा ते करसान, विकसित भारत दी विकास प्रक्रिया दे सब्बनें शा बडु हितधारक ते लाभार्थी न। उनें आखेआ जे 2047 तगर विकसित भारत विचारें, तकनीकें ते संस्कृति दे जीवंत आदान-प्रदान दा केंद्र बनियै नां छडा भारतीयें सगुआं पूरी दुनिया च समृद्धि आहन्नोग।

<><><><><><>

## Shardey Navratri

शारदीय नवरात्री दे अज्ज दुए ध्याडे माता वैष्णो देवी जी दे भवन च दर्शन करने आस्तै श्रद्धालुएं दी बडी भारी भीड लग्गी दी ऐ। माता रानी दे नवरात्रें दे 9 दिन बडे गै पवित्र मन्ने जंदे न ते इनें 9एं दिनें गी पूरे उत्तर भारत च पूरे जोश ते खुशी कन्नै मनाया जंदा ऐ ते कई लोक इनें दिनें च वर्त बी रक्खदे न। इस बारै सहाडे जिला संवाददाता देवेन्द्र ठाकुर कन्नै गल्ल करदे होई इक्क श्रद्धालु नै आखेआ।

<><><><><><>

### Rajnath-SIDM

रक्षा मंत्री राजनाथ सिंह होंरें अज्ज आखेआ ऐ जे बरै 2023-24 दरान घरेलू रक्षा उत्पादन इक्क लक्ख 27 ज्हार करोड रपे दा आंकड़ा पार करी चुके दा ऐ। भारतीय रक्षा निर्माताएं दी 7मीं सालाना बैठक जेडी नमीं दिल्ली च होआ'रदी ही, ओहदा संबेधन करदे होई रक्षा मंत्री होंरें दस्सेया जे रखा खेत्तरे च नमीं टेक्नोलॉजी दे विकास लेई सरकार नै कई योजनां लांच कीती दियां न। सिंह होंरें मंत्रालय राएं जारी होई दिएं किश योजनाएं उप्पर लौह पाई जिंदे च IDEX, टेक्नोलॉजी डिवेलपमेंट फंड, ADITI योजना ते होर योजनां शामिल हियां।

<><><><><><>

### IISF-2024

भारतीय अंतरराष्ट्रीय साइंस समारोह यानि 2024 IISF इस बरे असाम दे गुवाहाटी च 30 नवंबर थमां लेइयै 3 दिसंबर तोहडी चलोग। इस समारोह दा मकसद भारत दे साइंस एंड टेक्नोलॉजी खेत्तरे दे होई दिएं उपलब्धिये दा जश्र मनाना होग। इस बारे गल्ल करदे होई एस एण्ड टेक्नोलॉजी दे केंद्री मंत्री डॉ. जितेंद्र सिंह होंरें गलाया जे इस बरे IISF 2024 दा विषेसार Transforming India into a Science and Technology driven global manufacturing hub होग यानि भारत गी दुनिया साइंस एंड टेक्नोलॉजी दा गढ बनाना इस बरे दे IISF दा मकसद रौहग। IISF 2024 दा आयोजन CSIR दे राएं कीता जाग। डॉ. सिंह होंरें आखेआ जे साइंस फेस्टिवल दा 10मां चरण होग जेदे आस्तै गुवाहाटी गी मेजबान राज्य चुने गेदा ऐ कीजे प्रधानमंत्री नरेंद्र मोदी होर नार्थ ईस्ट यानि उत्तरी पूर्व भारत दे विकास लेई जोर पांदे न। इस मौके पर केंद्री मंत्री डॉ. जितेंद्र सिंह होंरें वीडियो बी जारी कीता।

<><><><><><>

### DEO-Kathua

कठुआ दे जिला चुनां अधिकारी होंरें जिले च 6एं चुनां हल्के च होए दे मतदान दी गिनतरी रमानदारी आहले ढंगै सिर करोआने लेई कई हीले तोड़ चाढे। बोटें दी गिनतरी कठुआ दे जागतें दे सरकारी डिग्री कालेज च होग। इस गिनतरी केंद्र उप्पर सीसीटीवी कैमरे बी लाए गेदे न तां जे EVM's दी सुरक्षा रवै। इस बारे गल्ल करदे हेई डीईओ कठुआ डॉक्टर राकेश मिन्हास होंरें आखेआ।

<><><><><><>

### DEO-Doda

डोडा दे जिला चुनां अधिकारी हरविंद्र सिंह होंरें इत्थूं दे त्रऊं चुनां हल्के दी बोटें दी गिनतरी दी तैयारिये दा जायजा लैता। उनें सुरक्षा हीले दा डीसी दफतरै च चुनां गिनतरी आस्तै समर्पित कीते गेदे हाल ते EVMs दी सुरक्षा दा निरीक्षण कीता। इस बारे गल्ल करदे होई डोडा दे जिला चुनां अधिकारी हरविंद्र सिंह होंरें आखेआ।

<><><><><><>

### Reasi-EVM

रियासी जिले च 25 सितंबर गी चुनां समाप्त होने दे मगरा गुलाबगढ़ श्री माता वैष्णो देवी ते रियासी चुनां हल्के थमां इलेक्ट्रनिक वोटिंग मशीन यानि EVMs गी गौरमेंट पालिटेक्निक कालेज रियासी ते जनरल जोरावर सिंह डिग्री कालेज रियासी च रक्खेआ गेआ ऐ। इस बारै गल्ल करदे होई जिला चुनां अधिकारी विशेष महाजन होरें आखेआ।

<><><><><><>

### Rajouri-Training

अज्ज चुनाएं दी गिनतरी सरबंधी ट्रेनिंग दा दुआ चरण राजौरी दे पी.जी कालेज च समाप्त होआ। एहू ट्रेनिंग राजौरी दे जिला चुनां अधिकारी हुंदी अगुवाई च आयोजित कीती गेई ही ते एहूदा मकसद अमले गी गिनतरी प्रक्रिया आस्तै कौशल बनाना हा तां जे चुनाएं दी गिनतरी रमानदारी आहले ढंगै सिर होई सकै। राजौरी जिले दे 5 चुनां हल्के जिंदे च राजौरी, थन्नामंडी, नौशहरा, कालाकोट-सुंदरबनी ते बुद्धल शामिल हे। इंदी गिनतरी 8 अक्तूबर गी गौरमेंट वॉयस हायर सेकेंडरी स्कूल राजौरी च सख्त सुरक्षा हीलें दे हेठ होग तां जे वोटें दी गिनतरी दी प्रक्रिया ढंगै रिस होई सकै। इस बारै गल्ल करदे होई जिले दे ट्रेनिंग नोडल अधिकारी नसीम मलिक होरें आखेआ।

<><><><><><>